


სსიპ - სასჯელაღსრულებისა და პრობაციის სასწავლო ცენტრი



სსიპ - სასჯელაღსრულებისა და პრობაციის სასწავლო ცენტრის მიერ
დასუფთავებისა და სანიტარული მომსახურების შესყიდვის
გამარტივებული ელექტრონული ტენდერის

სატენდერო დოკუმენტაცია

კლასიფიკატორის კოდი - (CPV 90900000)

(2016 წლის სახელმწიფო ბიუჯეტით გათვალისწინებული ასიგნებების
ფარგლებში)

2016 წელი

სარჩევი

1. ინსტრუქცია ტენდერში მონაწილეთათვის-----	3 გვ.
2. ტექნიკური დოკუმენტაცია-----	4 გვ.
3. რეკვიზიტების ფორმა - დანართი N1 -----	8 გვ.
4. ფასების ცხრილი - დანართი N 2-----	9 გვ.
5. ინფორმაცია ანალოგიური მომსახურების შესახებ - დანართი N 3-----	10 გვ.
6. სახელმწიფო შესყიდვების შესახებ ხელშეკრულების პროექტი-----	11 გვ.
7. დანართი N4 აფიდავიტის ფორმა- -----	17 გვ.

1. ინსტრუქცია ტენდერში მონაწილეთათვის

1.1 სახელმწიფო შესყიდვების ერთიან ელექტრონულ სისტემაში (შემდგომში – სისტემა) შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანების შესაბამისად.

1.2 გამარტივებულ ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნეს ორიგინალის სახით (ასლის შემთხვევაში ნოტარიულად დამოწმებული ასლი) ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.3 ტექნიკური დოკუმენტაციის განხილვისას უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.4 სახელმწიფო შესყიდვების ერთიან ელექტრონულ სისტემაში (შემდგომში – სისტემა) ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული (ბეჭდის არსებობის შემთხვევაში) უნდა იყოს უფლებამოსილი პირის მიერ (საჭიროების შემთხვევაში ატვირთულ უნდა იქნას მინდობილობა ან რწმუნებულება).

1.5 სახელმწიფო შესყიდვების შესახებ ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

1.6 იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალი იქნება შესყიდვის ობიექტის სავარაუდო ღირებულებაზე, პრეტენდენტს მოეთხოვება ფასწარმოქმნის ადეკვატურობის დასაბუთება. ფასწარმოქმნის ადეკვატურობის დასაბუთება უნდა მოხდეს ექსპერტიზის დასკვნით, ან პრეტენდენტის მიერ გაფორმებული ხელშეკრულებ(ებ)ით და მიღება-ჩაბარების აქტ(ებ)ით ან ანგარიშფაქტურ(ებ)ით (ინვოის(ებ)ით), რომლებიც დაადასტურებს პრეტენდენტის მიერ დაფიქსირებულ საბოლოო ფასად ხელშეკრულებით ნაკისრი ვალდებულებების შესრულების შესაძლებლობას. ფასწარმოქმნის ადეკვატურობის დასაბუთებაზე ვრცელდება „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანების მე-12 მუხლის მე-11 - მე-14 პუნქტით განსაზღვრული წესები.

2. ტექნიკური დოკუმენტაცია

2.1 შესყიდვის ობიექტის ტექნიკური დავალება:

სსიპ „სასჯელაღსრულებისა და პრობაციის სასწავლო ცენტრის“ მიერ გამოცხადებული გამარტივებული ელექტრონული ტენდერის შესყიდვის ობიექტს წარმოადგენს სასწავლო ცენტრის ადმინისტრაციული შენობისა და მისი მიმდებარე ტერიტორიის დასუფთავება და სანიტარული მომსახურება.

2.1.1. მომსახურების ტექნიკური პირობა:

- ეზოს ფართობი: 6212 კვ.მ;
- ეზოში განთავსებული შენობის ფართობი 3170 კვ.მ;
- შენობის სამი სართულის ფართობი 2388 კვ.მ;
- სარდაფის ფართობი 782 კვ.მ;
- შენობის I სართული: 13 ოთახი, 1 სამზარეულო, 35 სველი წერტილი;
- შენობის II სართული: 9 ოთახი, 10 სველი წერტილი;
- შენობის III სართული 18 ოთახი, 1 სამზარეულო, 15 სველი წერტილი.
- სარდაფის ნაწილში განთავსებულია სავარჯიშო დარბაზები, იმიტირებული ტირი და იმიტირებული საკანი.
- **შენობაში განთავსებული სარდაფის და სამი სართულის დალაგება მოიცავს შემდეგს :**
 - ოთახების გამოწმენდა/დალაგება;
 - შენობაში არსებული ლამინატის იატაკის შესაბამისი სითხით დამუშავება;
 - შენობაში არსებული ხელოვნური გრანიტის და მეტლახის ზედაპირის შესაბამისი (ხსნარი) საშუალებით დამუშავება.
 - შენობაში არსებული ავეჯის გაწმენდა შესაბამისი სითხით;
 - შუშების გენერალური გაწმენდა (შიგნიდან და გარედან) განხორციელდება წელიწადში არანაკლებ 3-ჯერ, მომსახურების განხორციელების ვადები განისაზღვრება შემსყიდველის მოთხოვნის შესაბამისად.
 - შენობაში კედლების და ჭერის დასუფთავება შესაბამისი საშუალებებით;
 - მე - II სართულზე განთავსებული „ყავის“ ოთახში არსებული ჭურჭლის რეცხვით უზრუნველყოფა.
- **შენობაში განთავსებული სველი წერტილების დალაგება მოიცავს შემდეგს:**
 - სველი წერტილების დალაგება, დასუფთავება უნდა განხორციელდეს შესაბამისი ანტიბაქტერიული საშუალებით;
 - სველი წერტილების უზრუნველყოფა მაღალი ხარისხის ხელსახოცი და ტუალეტის ქაღალდით (არანაკლებ ორი ფენა), დისპანსერში მოთავსებული თხევადი საპნით, ავტომატური აირგამწმენდი საშუალებებით.
 - მიმწოდებელმა უნდა უზრუნველყოს სველი წერტილების გამართულად ფუნქციონირება, წარმოქმნილი პრობლემები, მიმწოდებელმა არანაკლებ 2 (ორი) კალენდარული დღის ვადაში უნდა უზრუნველყოს აღნიშნული პრობლემის აღმოფხვრა (მცირე ფასიანი ინვენტარის დროული შეცვლა).
- **შენობაში განთავსებული საცხოვრებელი ოთახების მომსახურება მოიცავს შემდეგს:**
 - სასტუმრო ოთახების დასუფთავება შესაბამისი საშუალებებით;
 - მსმენელთა ლოგინების, თეთრეულის, სპორტული ფორმის და პირსახოცების გარეცხვა-დაუთავება შემსყიდველის მოთხოვნის შესაბამისად (აღნიშნული მომსახურება, რეცხვა-დაუთავება განხორციელდება შემსყიდველის ადმინისტრაციულ შენობაში, რისთვისაც მიმწოდებელს ექნება შესაბამისი ინფრასტრუქტურა).
- **შენობაში განთავსებული სამზარეულოების მომსახურება მოიცავს შემდეგს:**

- სამზარეულოს ოთახის ანტიბაქტერიული დასუფთავება და მომარაგება საჭირო საშუალებებით.
- სამზარეულოში არსებული ჭურჭლის, სარეცხი აპარატის სარეცხი საშუალებებით უზრუნველყოფა და მათი რეცხვა;
- **სადურგლო მომსახურებები მოიცავ შემდეგს:**
 - შენობაში არსებული კარების, ფანჯრების სახეღურების და საკეტების გამართული ფუნქციონირების უზრუნველყოფა, საჭიროების შემთხვევაში მცირე ფასიანი საქონლის შეძენა და შეცვლა. (სახეღურები, საკეტები, გულანები).
- **შენობის და ეზოს მოვლა-დასუფთავება მოიცავ შემდეგს:**
 - შენობის გარე და შიდა ფართის ელექტრო ქსელებისა და განათების მომსახურება, გარე ტერიტორიის განათება, დაზიანების შემთხვევაში დიაგნოსტიკა და პრობლემის აღმოფხვრა, საჭიროების შემთხვევაში მცირეფასიანი საქონლის შეძენა და შეცვლა. (ნათურები, როზეტები, დროსელები, ე.წ. „სტარტერები“, შიდა და გარე ქსელისათვის საჭირო სხვა სათანადო ნაწილები).
 - შენობის ეზოს მოვლა, დასუფთავება, ბიოლოგიური სასუქის (არანაკლებ ოთხი კუბური მეტრი ნაკელის) მოყრა წელიწადში არანაკლებ 1-ჯერ, გაზაფხულზე ან შემოდგომაზე (ზუსტი დრო განისაზღვრება შემსყიდველის მოთხოვნის შესაბამისად), ასევე შენობაში არსებული დეკორატიული მცენარეებისათვის მიწის შეცვლა წელიწადში არანაკლებ 1-ჯერ, გაზაფხულზე ან შემოდგომაზე (ზუსტი დრო განისაზღვრება შემსყიდველის მოთხოვნის შესაბამისად).
 - არსებული მწვანე საფარის, მცენარეების მოვლა და ზედამხედველობა, დეკორატიული ბაღისთვის საჭიროების მიხედვით შხამ ქიმიკატებით უზრუნველყოფა, (ამორფოსი, BI-58, ტოპაზი, ბორდო ან/და მსგავსი) ასევე საჭიროებისამებრ უნდა მოხდეს დაავადებისა და მწერების საწინააღმდეგო შხამ-ქიმიკატებით დამუშავება.
 - ეზოში არსებული ბილიკების ხრეშით განახლება წელიწადში არანაკლებ ერთხელ. (მოთხოვნის შესაბამისად).
 - შემსყიდველის არსებულ შენობაში, ეზოში და სრულად განსახორციელებლ მომსახურების ფართზე, მიმწოდებელმა წლიწადში არანაკლებ 3-ჯერ უნდა უზრუნველყოს დეზინფექცია, დეზინსექცია და დერატიზაცია, აღნიშნული მომსახურების ზუსტი დრო, განსაზღვრული იქნება შემსყიდველის მოთხოვნის შესაბამისად.
- **აუცილებელი პირობა:**
 - თანამშრომელთა შერჩევა, (დამლაგებლები და მეზღე) რაოდენობის განსაზღვრა და დაქირავება მოხდება სსიპ სასჯელაღსრულებისა და პრობაციის სასწავლო ცენტრის შესაბამისი უფლებომისილი პირთან შეთანხმებით, უკმაყოფილების შემთხვევაში მათი განთავისუფლების შესაძლებლობით.
 - შენობაში განთავსებული არქივის და საწყობის დალაგების მომსახურება უნდა განხორციელდეს შემსყიდველის მოთხოვნის შემთხვევაში, რისთვისაც მიმწოდებელმა უნდა გამოყოს ერთი თანამშრომელი, რომელიც შერჩეული იქნება შემსყიდველის მიერ.
 - მომსახურების განხორციელების პროცესში, მომსახურე პერსონალის დაზიანება ან/და უბედური შემთხვევის დადგომის შემთხვევაში, რომელიც გამოწვეული

- არ იქნება შემსყიდველის ბრალეულობით, შემსყიდველი განთავისუფლებულია ყველანაირი ვალდებულებისგან.
- ყოველ სამუშაო დღეს, უნდა განხორციელდეს 1 მორიგე დამლაგებელით უზრუნველყოფა 10:00 - დან 18:00 - მდე, ასევე შესაძლებელია უქმე დღეებში აღნიშნული მომსახურების განხორციელება, შემსყიდველი მოთხოვნის შესაბამისად.
 - მომსახურე პერსონალი უზრუნველყოფილი უნდა იქნეს შესაბამისი უნიფორმით.
 - აღნიშნული საქონლის/მომსახურების მიწოდება დროულად უნდა განხორციელდეს მიმწოდებლის მიერ.
 - პრეტენდენტს უნდა გააჩნდეს ანალოგიური მომსახურების გაწევის შესახებ არანაკლებ 1 (ერთი) წლიანი გამოცდილება.
 - პრეტენდენტმა უნდა წარმოადგინოს ანალოგიური მომსახურების გაწევის შესახებ არანაკლებ 1 (ერთი) დადებითი რეკომენდაცია .

2.2 მომსახურების გაწევის ვადები და ადგილი:

შესყიდვის ობიექტის მიწოდება განხორციელდება 2016 წლის 1 თებერვლიდან 2016 წლის 31 დეკემბრის ჩათვლით, მისამართზე: გარდაბნის მუნიციპალიტეტი, რუსთავის გზატკეცილი მე-17 კილომეტრი, სსიპ „სასჯელაღსრულებისა და პრობაციის სასწავლო ცენტრი“.

2.3 ანგარიშსწორების პირობები:

2.3.1. სატენდერო წინადადებაში ფასი გამოსახული უნდა იყოს საქართველოს კანონმდებლობით გათვალისწინებული და შესყიდვის ობიექტის მიწოდებასთან დაკავშირებული ყველა გადასახადის გათვალისწინებით.

2.3.2 ანგარიშსწორება მოხდება უნაღდო ანგარისწორებით - ლარში.

2.3.3. შემსყიდველი ანგარიშსწორებას განხორციელებს ყოველთვიურად, ფაქტიურად გაწეული მომსახურების შესაბამისად, მიღება-ჩაბარების აქტის გაფორმებიდან და საგადასახადო კანონმდებლობით გათვალისწინებული შესაბამისი დოკუმენტაციის წარმოდგენიდან 5 სამუშაო დღის ვადაში;

2.3.4. საავანსო ანგარიშსწორება არ გამოიყენება.

2.3.5 დაფინანსების წყარო: 2016 წლის სახელმწიფო ბიუჯეტი.

2.4 პრეტენდენტის მიერ ერთიან ელექტრონულ სისტემაში ასატვირთი მონაცემები:

2.4.1 რეკვიზიტები დანართი N1-ს შესაბამისად;

2.4.2 ფასების ცხრილი დანართი N2-ს შესაბამისად;

2.4.3 ინფორმაცია არანაკლებ 1 (ერთი) წლიანი ანალოგიური მომსახურების გაწევის შესახებ, დანართი N2 შესაბამისად; ასევე გაფორმებული ხელშეკრულება(ები) და მიღება-ჩაბარების აქტ(ებ)ი, ან/და სხვა გამოცდილების დამადასტურებელი დოკუმენტები;

2.4.4 ანალოგიური მომსახურების შესახებ არანაკლებ 1 (ერთი) დადებითი რეკომენდაცია.

2.5 ალტერნატიული სატენდერო წინადადება არ მიიღება.

2.6 ხელშეკრულების შესრულების კონტროლი:

2.6.1 ხელშეკრულების შესრულების კონტროლს განახორციელებს სსიპ სასჯელაღსრულებისა და პრობაციის სასწავლო ცენტრის სერვისების უზრუნველყოფის სპეციალისტი ხათუნა ავალიშვილი.

2.7 დამატებითი ინფორმაცია:

მიმწოდებლებს შეუძლიათ სატენდერო დოკუმენტაციასთან დაკავშირებული შეკითხვები დასვან სისტემის კითხვა/პასუხის მოდულის მეშვეობით. შემსყიდველ ორგანიზაციებს კი ექნებათ ვალდებულება აღნიშნულ შეკითხვებს უპასუხონ. სისტემაში უკვე დამკვიდრებული პრინციპი მიმწოდებელთა ვინაობის კონფიდენციალურობასთან დაკავშირებით დაცულია ამ შემთხვევაშიც, კერძოდ, ტენდერში ელექტრონული ვაჭრობის დასრულებამდე შეკითხვის ავტორი მიმწოდებლის ვინაობა არ არის საჯარო. ხოლო რაც შეეხება შეკითხვას და ამ შეკითხვაზე პასუხს - აღნიშნული ინფორმაცია ხელმისაწვდომია სისტემის ნებისმიერი მომხმარებლისთვის. აღსანიშნავია, რომ შემსყიდველი ორგანიზაციის პასუხით/განმარტებით შეუძლია ისარგებლოს როგორც შეკითხვის ავტორმა მიმწოდებელმა, ასევე, სხვა მიმწოდებლებმაც.

სატენდერო დოკუმენტაციასთან დაკავშირებული განმარტებების მიღება ასევე პრეტენდენტს შეუძლია სატენდერო კომისიის აპარატში. გარდაბნის მუნიციპალიტეტი, რუსთავის გზატკეცილი მე-17 კილომეტრი, სსიპ-სასჯელაღსრულებისა და პრობაციის სასწავლო ცენტრის, სატენდერო კომისიის აპარატის წევრები:

ხათუნა ავალიშვილი: 577 78 01 28

ნიკოლოზ დუჩიძე: 599 85 19 19

1. რეკვიზიტები :

პრეტენდენტის იურიდიული ფორმა და დასახელება:

ხელმძღვანელ(ებ)ის სახელი და გვარი:

პრეტენდენტის იურიდიული მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

ბანკის დასახელება და ბანკის კოდი:

ანგარიშსწორების ანგარიში:

(თანამდებობა, სახელი, გვარი)

(ხელმოწერა)

ფასების ცხრილი

N	მომსახურების აღწერა	მომსახურების გაწევის ვადა	გასაწევი მომსახურების ერთი თვის ფასი (ლარი)	გასაწევი მომსახურების საერთო ფასი (ლარი)
1	შენობაში განთავსებული სარდაფის და სამი სართულის დალაგება (ტექნიკური დავალებით განსაზღვრული მოთხოვნების შესაბამისად)	2016 წლის 1 თებერვლიდან - 2016 წლის 31 დეკემბრის ჩათვლით		
	შენობაში განთავსებული სველი წერტილების დალაგება (ტექნიკური დავალებით განსაზღვრული მოთხოვნების შესაბამისად)			
	შენობაში განთავსებული საცხოვრებელი ოთახების მომსახურება (ტექნიკური დავალებით განსაზღვრული მოთხოვნების შესაბამისად)			
	შენობაში განთავსებული სამზარეულოების მომსახურება (ტექნიკური დავალებით განსაზღვრული მოთხოვნების შესაბამისად)			
	სადურგლო მომსახურებები (ტექნიკური დავალებით განსაზღვრული მოთხოვნების შესაბამისად)			
	შენობის და ეზოს მოვლა-დასუფთავება (ტექნიკური დავალებით განსაზღვრული მოთხოვნების შესაბამისად)			

ხელმოწერა:

ბეჭედი (არსებობის შემთხვევაში):

ინფორმაცია ანალოგიური მომსახურების შესახებ

N	ორგანიზაციის დასახელება	ხელშეკრულების ნომერი, თარიღი (არსებობის შემთხვევაში სატენდერო განაცხადის ნომერი)	ხელშეკრულებ ის ღირებულება	მომსახურების გაწევის ვადები	ფაქტობრივად გაწეული მომსახურების ღირებულება
1					
2					
3					
4					
5					

ხელმოწერა:

ბეჭედი (არსებობის შემთხვევაში):

სახელმწიფო შესყიდვის შესახებ ხელშეკრულების პროექტი

ხელშეკრულება სახელმწიფო შესყიდვის შესახებ
ხელშეკრულების პირობების საბოლოო ვარიანტი შეიძლება დაზუსტდეს და
დაიხვეწოს ტენდერში გამარჯვებულ პრეტენდენტთან ხელშეკრულების გაფორმების
პროცესში.

წინამდებარე ხელშეკრულება დაიდო ____ 20--წლის -----. ერთის
მხრივ სსიპ - სასჯელაღსრულებისა და პრობაციის სასწავლო ცენტრი (შემდგომში
„შემსყიდველი“) და მეორეს მხრივ _____ (შემდგომში „მიმწოდებელი“)

შორის.

(მიმწოდებლის დასახელება და რეკვიზიტები)

იმის გათვალისწინებით, რომ შემსყიდველმა ჩაატარა გამარტივებული
ელექტრონული ტენდერი

შესყიდვის ობიექტის მოკლე აღწერა

შესყიდვაზე რომელშიც გამარჯვებულად მიჩნეულ იქნა მიმწოდებლის სატენდერო
წინადადება, რომლის თანახმად მიმწოდებელმა აიღო ვალდებულება გაუწიოს შემსყიდველს
ზემოაღნიშნული მომსახურება შემდეგ თანხაზე:

(ხელშეკრულების თანხა ციფრებით, სიტყვიერად და ვალუტის ჩვენებით)
(შემდგომში „ხელშეკრულების ღირებულება“).

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

1.1 „ხელშეკრულება სახელმწიფო შესყიდვის შესახებ“ (შემდგომ –
„ხელშეკრულება“) – შემსყიდველ ორგანიზაციასა და ტენდერში გამარჯვებულ პრეტენდენტს
შორის დადებული ხელშეკრულება, რომელიც ხელმოწერილია მხარეთა მიერ, მასზე
თანდართული ყველა დოკუმენტით და დამატებებით და ასევე მთელი დოკუმენტაციით,
რომლებზეც ხელშეკრულებაში არის მინიშნებები.

1.2 „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;

1.3 „შემსყიდველი ორგანიზაცია“ (შემდგომ „შემსყიდველი“) ნიშნავს ორგანიზაციას (დაწესებულებას), რომელიც ახორციელებს შესყიდვას;

1.4 „მიმწოდებელი“ ნიშნავს პირს, რომელმაც მოიპოვა გამარჯვება ტენდერში და უზრუნველყოფს მომსახურების გაწევას სახელმწიფო შესყიდვის შესახებ მოცემული ხელშეკრულების ფარგლებში;

1.5 „დღე“, „კვირა“, „თვე“ ნიშნავს კალენდარულ დღეს, კვირას, თვეს.

2. შესყიდვის ობიექტი და კლასიფიკატორის კოდი

2.1 ხელშეკრულების შესყიდვის ობიექტი განისაზღვრება სატენდერო დოკუმენტაციის, კერძოდ, ტექნიკური დოკუმენტაციის 2.1 პუნქტში მოცემული ტექნიკური დავალებისა და დანართი №2-ის შესაბამისად, რომელიც შემდგომში თან დაერთვის ხელშეკრულებას და წარმოადგენს მის განუყოფელ ნაწილს.

2.2 კლასიფიკატორის კოდი: **90900000**;

3. ხელშეკრულების შესრულების კონტროლი

3.1 შემსყიდველს ან მის წარმომადგენლებს უფლება აქვთ ხელშეკრულების შესრულების ნებისმიერ ეტაპზე განახორციელოს კონტროლი მიმწოდებლის მიერ ნაკისრი ვალდებულებების შესრულებაზე და განახორციელოს მომსახურების ხარისხის პერიოდული ინსპექტირება.

3.2 მიმწოდებელი ვალდებულია საკუთარი რესურსებით უზრუნველყოს შემსყიდველი, კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით შემსყიდველი.

3.3 მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.

3.4 ამ მუხლის არც ერთი პუნქტი არ ათავისუფლებს მიმწოდებელს მოცემული ხელშეკრულების სხვა ვალდებულებებისაგან.

3.5 მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განახორციელებენ სსიპ - სასაჯელაღსრულებისა და პრობაციის სასწავლო ცენტრის სერვისების უზრუნველყოფის სპეციალისტი - ხათუნა ავალიშვილი.

4. მომსახურების გაწევის პირობები და ვადები

4.1 მომსახურების გაწევა განხორციელდება 2016 წლის -----დან - 2016 წლის - -----მდე, ეტაპობრივად, მოთხოვნის შესაბამისად.

5. შესყიდვის ობიექტის მიღება-ჩაბარების წესი

5.1 შესყიდვის ობიექტის მიღება-ჩაბარება განხორციელდება, შემსყიდველისა და მიმწოდებლის უფლებამოსილი წარმომადგენლების მიერ მიღება-ჩაბარების აქტის გაფორმებით (შემსყიდველის მხრიდან მიღება-ჩაბარების აქტების გაფორმებაზე უფლებამოსილ პირებს წარმოადგენენ წინამდებარე ხელშეკრულების მე-3 მუხლის 3.5 პუნქტში მითითებული პირ(ებ)ი).

5.3 მიღება-ჩაბარების აქტის გაფორმებასთან ერთად, მიმწოდებელი ვალდებულია წარმოუდგინოს შემსყიდველს საქართველოს კანონმდებლობით გათვალისწინებული შესაბამისი საგადასახადო დოკუმენტაცია.

6. ანგარიშსწორება

6.1 ანგარიშსწორება მოხდება ლარებში.

6.2 გადახდის ფორმა – უნაღდო.

6.3 შემსყიდველი ანგარიშსწორებას განახორციელებს ყოველთვიურად, ფაქტიურად გაწეული მომსახურების შესაბამისად, მიღება-ჩაბარების აქტის გაფორმებიდან და საგადასახადო კანონმდებლობით გათვალისწინებული შესაბამისი დოკუმენტაციის წარმოდგენიდან 5 სამუშაო დღის ვადაში;

6.4. საავანსო ანგარიშსწორება არ გამოიყენება.

7. ფასები

7.1 შესყიდვის ობიექტის ფასი განისაზღვრება ლარებში.

7.2 შესყიდვის ობიექტის საერთო ღირებულება შეადგენს ----- (-----) ლარს,

7.3 ხელშეკრულების ღირებულებითი პარამეტრების შეცვლა დასაშვებია მხარეთა შეთანხმებით.

7.4 ხელშეკრულების ღირებულებითი პარამეტრების შეცვლა დაუშვებელია, თუ ამ ცვლილებების შედეგად იზრდება ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

7.5 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობის გაზრდა.

8. ხელშეკრულებაში ცვლილებების შეტანა

8.1 არავითარი გადახრა ან ცვლილება ხელშეკრულების პირობებში არ დაიშვება ორივე მხრის მიერ ხელმოწერილი წერილობითი შესწორებების გარდა.

8.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

8.3 ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა „სახელმწიფო შესყიდვების შესახებ“ საქართველოს კანონის და ამ დებულების მოთხოვნათა გათვალისწინებით.

8.4 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

9. ხელშეკრულების პირობების შეუსრულებლობა(საჯარიმო სანქციები, ფორმა, ოდენობა და გადახდის ვადები)

9.1 ფორს-მაჟორული პირობების გარდა, მიმწოდებლის მიერ ხელშეკრულების პირობების შეუსრულებლობისა ან/და დაგვიანებით შესრულების შემთხვევაში გამოიყენება საჯარიმო სანქციები.

9.2 ერთ-ერთი მხარის მიერ ნაკისრი ვალდებულების შეუსრულებლობის ან არასათანადო შესრულების შემთხვევაში, ბრალეული მხარე დაზარალებულ მხარეს აუნაზღაურებს დოკუმენტალურად დადასტურებულ მიყენებულ ზიანს, საქართველოში მოქმედი კანონმდებლობით დადგენილი წესით.

9.3 მიმწოდებელი პასუხს აგებს მისთვის დაკისრებული ვალდებულებების სათანადო შესრულებისათვის და ვალდებულია აანაზღაუროს მისი ქმედებით დამდგარი ყველა სახის ზიანი.

9.4 ხელშეკრულებით ნაკისრი ვალდებულებების შეუსრულებლობის ან შესრულების ვადის გადაცილებისათვის მიმწოდებელს დაეკისრება პირგასამტეხლოს გადახდა, ყოველ ვადაგადაცილებულ დღეზე ხელშეკრულების ღირებულების 0.1%-ის ოდენობა.

9.5 საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

10. ხელშეკრულების შეწყვეტა მისი პირობების შეუსრულებლობის გამო

10.1 მიმწოდებლის მიერ ხელშეკრულების პირობების შეუსრულებლობის შემთხვევაში შემსყიდველს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ.

10.2 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

10.3 ხელშეკრულების შეწყვეტა პირობების დარღვევის გამო არ ათავისუფლებს მიმწოდებელს ხელშეკრულების შეუსრულებლობისათვის გათვალისწინებული პასუხისმგებლობისაგან.

10.4 შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ბ) მიმწოდებლის გაკოტრების შემთხვევაში;

გ) საქართველოს კანონმდებლობით გათვალისწინებულ სხვა შემთხვევებში.

10.5 ამ მუხლის მე-4 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად გაწეული მომსახურების ღირებულება.

10.6 შემსყიდველი უფლებამოსილია მთლიანად ან ნაწილობრივ ცალმხრივად შეწყვიტოს ხელშეკრულება, თუკი მიმწოდებლის მხრიდან დაირღვევა შესყიდვის ობიექტის მიწოდების ვადები.

11. მხარეთა უფლება-ვალდებულებები

11.1 მიმწოდებელი ვალდებულია:

- ა) გაუწიოს შემსყიდველს ხელშეკრულებით გათვალისწინებული მომსახურება;
- ბ) განიხილოს შემსყიდველის პრეტენზიები და მიაწოდოს მოტივირებული პასუხი ნებისმიერ სადაო საკითხზე.

11.2 შემსყიდველი ვალდებულია:

- ა) გადაუხადოს მიმწოდებელს ხელშეკრულების ღირებულება;
- ბ) დროულად აცნობოს მიმწოდებელს გაწეულ მომსახურებასთან დაკავშირებული ხარვეზის შესახებ.

12. ფორს-მაჟორი

12.1 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

12.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

12.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

13. სადაო საკითხების გადაწყვეტა

13.1 შემსყიდველმა და მიმწოდებელმა ყველა ღონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

13.2 თუ ასეთი მოლაპარაკებების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხრეს დავის გადაწყვეტის მიზნით შეუძლია დადგენილი წესის და მიხედვით მიმართოს სასამართლოს, თუ ხელშეკრულების პირობებში სხვა რამ არ არის გათვალისწინებული.

14. გამოყენებული სამართალი

14.1 ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

15. შეტყობინება

15.1 ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, დეკემბის, ტელექსის ან ფაქსის სახით, ორიგინალის შემდგომი წარმოდგენით, ხელშეკრულებაში მითითებული მეორე მხარის მისამართზე.

15.2 შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

16. გადასახადები და დაბეგვრა

16.1 მიმწოდებელი პასუხს აგებს საქართველოს კანონმდებლობით დადგენილი გადასახადების, მოსაკრებლების და სხვა გადასახდელების გადახდაზე, თუ ხელშეკრულების პირობებით სხვა რამ არ არის გათვალისწინებული.

17. ხელშეკრულების მოქმედების ვადა

17.1 წინამდებარე ხელშეკრულება ძალაშია ხელშეკრულების გაფორმების დღიდან და მოქმედებს ---
----- ჩათვლით.

18. სხვა პირობები

18.1 ხელშეკრულება შედგენილია ქართულ ენაზე, სამ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან (ერთი პირი მიმწოდებელთან და ორი პირი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

18.2 გამარჯვებული პრეტენდენტის მიერ წარმოდგენილი სატენდერო წინადადება და დანართები თან ერთვის ხელშეკრულებას და წარმოადგენს მის განუყოფელ ნაწილს.

18.3 წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

შემსყიდველი:

მიმწოდებელი:

აფიდავითი

სატენდერო წინადადების დამოუკიდებლად განსაზღვრის თაობაზე

გამოცხადებულ ტენდერში მონაწილეობის მიღების მიზნით, ვადასტურებ, რომ ჩემს მიერ წარმოდგენილი სატენდერო წინადადება შემუშავებულია კონკურენტისგან დამოუკიდებლად. ასევე ვადასტურებ, რომ:

* ჩემთვის ცნობილია, რომ სატენდერო წინადადება დისკვალიფიცირებულ იქნება, თუ აღმოჩნდა, რომ აფიდავითში მოცემული ინფორმაცია არის ყალბი ან/და ცრუ;

* უფლებამოსილი ვარ პრეტენდენტის მიერ, ხელი მოვწერე ამ აფიდავითს და წარვადგინე ეს სატენდერო წინადადება;

* ნებისმიერ პირი, რომლის ხელმოწერაც დაფიქსირებულია სატენდერო წინადადებაზე, შესაბამისად უფლებამოსილია პრეტენდენტის მიერ;

* ჩემთვის ცნობილია რომ ტერმინი "კონკურენტი" აფიდავითის მიზნებიდან გამომდინარე, გულისხმობს ნებისმიერ პირს, რომელიც შესაძლებელია იყოს პრეტენდენტი ან/და წარადგინოს სატენდერო წინადადება ამ ტენდერში;

* მატერიალური გამორჩენის ან უპირატესობის მიღების მიზნით პრეტენდენტსა და კონკურენტს შორის არ წარმოებულა კონსულტაცია, კომუნიკაცია, შეთანხმება ან მოლაპარაკება შემდეგ საკითხებთან დაკავშირებით:

- სატენდერო წინადადების ფასი;
- სატენდერო წინადადების ფასის გამოთვლის მეთოდი, კოეფიციენტი ან ფორმულა;
- სატენდერო წინადადების წარდგენა ან წარდგენისგან თავის შეკავება;
- ისეთი სატენდერო წინადადების განზრახ წარდგენა, რომელიც არ აკმაყოფილებს გამოცხადებული ტენდერის პირობებს;
- შესყიდვის ობიექტის ხარისხი, მოცულობა, ტექნიკური პირობები ან მინოლების დეტალები, რომელთაც ეხება სატენდერო წინადადება;

* სატენდერო წინადადების პირობები პრეტენდენტს წინასწარი განზრახვით, პირდაპირ ან არაპირდაპირ, არ გაუმჟღავნებია ან/და არ გაუმჟღავნებს კონკურენტს სატენდერო წინადადების განსაჯარობის მომენტამდე.

გავეცანი ამ აფიდავითის შინაარსს და ვადასტურებ წარმოდგენილი ინფორმაციის უტყუარობას.

სახელმწიფო შესყიდვების მიზნებისთვის, აფიდავითი წარმოდგენს სატენდერო წინადადების დამოუკიდებლად განსაზღვრის თაობაზე წერილობით დოკუმენტს, რომლის ხელმოწერი, პრეტენდენტის სახელით, ადასტურებს დოკუმენტში მითითებული ინფორმაციისა და გარემოებების უტყუარობას და საქართველოს კანონმდებლობით დადგენილი წესით პასუხს აგებს აღნიშნული ინფორმაციისა და გარემოებების უტყუარობაზე. აფიდავითით განსაზღვრული პირობების დარღვევა იწვევს სისხლის-სამართლებრივ პასუხისმგებლობას საქართველოს სისხლის სამართლის კოდექსის 195¹ მუხლის შესაბამისად.